

## INFORMACIÓN ÚTIL PARA CUMPRIMENTAR A AUTODECLARACIÓN.

### 1.- ALUMNADO USUARIO GRATUÍTO DO SERVIZO DE COMEDOR.

- Alumnado pertencente a unidades familiares cunha renda familiar anual neta per cápita inferior a 7.000 euros (farán autodeclaración).
- Os alumnos/as pertencentes a familias que se atopan en situación socioeconómica de exclusión social certificada polos servizos sociais autonómicos ou municipais correspondentes (non teñen que facer autodeclaración).
- Os alumnos/as que se atopan en situación de acollemento residencial ou familiar (non teñen que facer autodeclaración).
- Os alumnos/as cun grado de discapacidade declarado igual ou superior ao 33% (non teñen que facer autodeclaración)
- Alumnos/as pertencentes a unidades familiares vítimas de terrorismo ou de violencia de xénero acreditada documentalmente (non teñen que facer autodeclaración).

### 2.- CONCEPTO DE UNIDADE FAMILIAR.

Segundo o Decreto de comedores escolares, o concepto de unidade familiar **é o definido na normativa do imposto da renda das persoas físicas (IRPF)**. Aos efectos do IRPF, existen **dúas modalidades** de unidade familiar:

- 1.- **En caso de matrimonio:** a unidade familiar está integrada polos cónxuxes non separados legalmente e, se os houber,
  - a) Os fillos menores, con excepción dos que, co consentimento dos pais, vivan independentemente destes.
  - b) Os fillos maiores de idade incapacitados xudicialmente suxeitos á patria potestade prorrogada ou rehabilitada.

Hai que ter en conta que a maioría de idade acádase ao cumprir 18 anos.

- 2.- **En ausencia de matrimonio ou nos casos de separación legal:** a unidade familiar está integrada polo pai ou pola nai e a totalidade dos fillos que convivan co pai ou coa nai e reúnan os requisitos da modalidade anterior os supostos a) ou b) do apartado 1).

Polo tanto:

- Calquera outra agrupación familiar, distinta das anteriores, non constitúe unidade familiar a efectos do IRPF.
- Ninguén pode formar parte de dúas unidades familiares ao mesmo tempo.
- O número de membros da unidade familiar realizarase atendendo á situación existente o día **31 de decembro de cada ano**. Polo tanto, si un fillo cumprira 18 anos durante o ano, xa non

formará parte da unidade familiar nese período impositivo. Tampouco formarán parte da unidade familiar o membro que falecera durante o período impositivo.

- Nas **parellas de feito** só un dos seus membros (pai ou nai) poden formar unidade familiar cos fillos que reúnan os requisitos anteriormente comentados (os supostos a) ou b) do apartado 1). O mesmo criterio é aplicable nos casos de separación ou **divorcio con garda e custodia compartida**. Polo tanto, o proxenitor que na súa declaración da renda sinale ao alumno usuario do servizo como membro da súa unidade familiar é o que debe figurar nos rexistros de comedor como declarante ou responsable do mesmo a efectos de cálculo da renda per cápita.

### **3.- ACLARACIÓNS PARA DETERMINAR CORRECTAMENTE A RENDA ANUAL FAMILIAR:**

Hai que sumar as rendas obtidas por todas as persoas que integran a unidade familiar. Nesta operación poden presentarse **varias situacións**:

- Unidades familiares nas que **ambos cónxuxes, ou calquera outro integrante dela, perciben rendas e teñen a obriga de presentar a declaración anual do IRPF**. Neste caso, o importe da renda familiar resultará das sumas e restas das casiñas indicadas, que se obterán de cada declaración, se foron presentadas individualmente - que é o habitual – ou ben, da declaración conxunta.
- Unidades familiares nas que **ambos cónxuxes, ou calquera outro integrante dela, perciben rendas pero só un deles ten a obriga de presentar declaración**. Nesta caso, a obtención do importe da renda familiar resultará das sumas e restas das casiñas indicadas, para o membro de familia que presente a declaración do IRPF máis o importe que resulte para o outro integrante da unidade familiar que non presentou declaración do IRPF, segundo os seus datos fiscais que deberá para realizar o cálculo dos seus ingresos, sumar os importes das casiñas correspondentes a “retribucións dinerarias” e “intereses” e restar os importes das casiñas “cotizacións seguridade social”, “retencións procedentes do traballo” e “retencións procedentes do capital mobiliario”.
- Cando **ambos cónxuxes perciban rendas pero non teñan obriga de presentar declaración de renda** ou ben cando **o cónxuxe ou os cónxuxes non perciban renda ningunha suxeita a tributación** no IRPF. Neste suposto, os interesados deberán consignar os seus datos fiscais do mesmo xeito que no especificado no apartado anterior para os membros que non presentase declaración do IRPF.

#### **IMPORTANTE:**

**A administración educativa poderá facer as comprobacións de renda que resulten necesarias, que suporán, ademais da fixación de novos importes nas tarifas en adiante, a execución de actuacións de compensación ou reclamación de débedas.**

A consellería poderá, durante o curso escolar, axustar os importes dos prezos públicos e tarifas fixados de acordo coas novas situacións das rendas familiares netas per cápita, derivadas da diminución de ingresos que supoña o cambio do tramo de rendas autodeclarado previamente, como consecuencia da acreditación de situacións de paro de duración superior a 6 meses de calquera membro da unidade familiar.

**Se fai solicitude de uso do comedor escolar, POR 1ª VEZ, para un fillo/a QUE NON SEXA USUARIO LEXÍTIMO DO SERVIZO DE TRANSPORTE**, deberá aportar ademais, para poder levar a cabo o preceptivo proceso de baremación de solicitudes e selección de usuarios/as se as solicitudes supera o número de prazas dispoñibles: certificación de atoparse en situación socioeconómica de exclusión social; certificación de discapacidade do alumno/a igual ou superior ao 33%; título ou carné de familia numerosa; acreditación documental de incompatibilidade de horarios familiares acreditada mediante a seguinte documentación: informe de vida laboral, expedido polo organismo laboral competente, ou certificado da Unidade de persoal á que pertenza o empregado público; certificación da empresa, xustificativa da duración de xornada e o horario de traballo; certificación xustificativa de alta no IAE, e unha declaración responsable, sobre a vixencia da actividade económica, e o horario que require a actividade, para o caso de traballadores por conta propia.

**NOVIDADE IMPORTANTE:** o alumnado usuario non lexítimo do transporte escolar (vive a menos de 2 Km do centro), que solicite praza no comedor e que teña un irmán ou irmá matriculado que xa é usuario/a deste servizo, terá preferencia no proceso de selección sobre outros casos que se recollen máis arriba (alumnado en risco de exclusión social, discapacidade igual ou superior ao 33%, familia numerosa, incompatibilidade horaria dos dous proxenitores co horario do comedor, ...).

**DIANTE DE CALQUERA PROBLEMA OU DÚBIDA, PODEN ACUDIR Á SECRETARÍA DO CENTRO, OU CHAMAR AO SEU TELÉFONO 982 82 82 95 E FACER A SÚA CONSULTA.**